



山海經釋義卷之三

晉 河東郭

璞景純父

著傳

明 澶淵

王崇慶德徵父

釋義

董漢儒學舒父

校訂

北山經第三

北山經之首曰單狐之山多机木

机木似榆可燒以糞稻田出蜀

中其上多華草澧水出焉而西流注于沔水其中

多芘石文石

又北二百五十里曰求如之山其上多銅其下多

玉無草木滑水出焉而西流注于諸毗之水水出諸毗

山其中多滑魚其狀如鱣赤背鱣魚似蛇音善其音如梧

如人相枝梧聲食之已疣贅也其中多水馬其狀如馬文臂

牛尾臂前脚也周禮曰馬黑脊而斑臂樓漢武元狩四年燉煌渥洼水出焉以為靈瑞者即此

類也其音如呼如人叫呼

凡獸魚水馬必大水也聞之故老談海馬然經

既明書當必有見之者

又北三百里曰帶山其上多玉其下多青碧有獸

焉其狀如馬一角有錯言角有甲錯也或作曆其名曰臙音歡

疏可以辟火有鳥焉其狀如烏五采而赤文名曰

鵠上巳有此鳥疑同名是自為牝牡食之不疽無癰疽病也彭

水出焉而西流注于芑湖之水其中多儵音由魚其

狀如雞而赤毛三尾六足四首其音如鵠食之可

以已憂

鳥獸自為牝牡皆自然之性豈特鵠鵠也哉若

夫七情有憂非若疾之或可免也而曰食之已

憂無乃未可憑乎

又北四百里曰譙明之山譙水出焉西流注于河

其中多何羅之魚一首而十身其音如吠犬食之

已癰有獸焉其狀如貍而赤豪貍音九 豪猪也其音如榴

榴名曰孟槐可以禦凶僻凶邪氣也亦在畏狩畫中也是山也無

草木多青雄黃一作多青碧

何羅之魚鬼車之鳥可以並觀

又北三百五十里曰涿光之山囂水出焉而西流

注于河其中多鰓鰓之魚音袴褶其狀如鵲而十

翼鱗皆在羽端其音如鵲可以禦火食之不癰其

上多松栢其下多欒榘其獸多麇羊其鳥多蕃音煩

未詳或作鴉

鰓魚禦火意其得水氣居多氣有相制故也若

夫松栢盖君子木山有松栢如世有君子是為

地道之常

又北三百八十里曰號山其上多漆其下多桐楛

楛音祛 桐梧桐也 楛積木腫節中楛其陽多玉其陰多鐵伊水出焉

西流注于河其獸多橐駝有肉鞍善行流沙中日行三百里其負千斤知

水泉所在也其鳥多寓狀如鼠而鳥翼其音如羊可以

禦兵

駝郭氏以為有肉鞍善行今京師有之皆西方之貢

又北四百里至于號山之尾其上多玉而無石魚水出焉而西流注于河其中多文具

文具詩所謂貝錦光射水上而五色具人之飾人過失而損其真似焉故古以刺讒

又北二百里曰丹熏之山其上多樗栢其草多韭薤皆山果爾多丹臙熏水出焉而西流注于棠水惟有其名

有獸焉其狀如鼠而菟首糜身其音如犍犬以其

尾飛或作髯飛名曰耳鼠食之不脉脉音采大腹也見禪倉

又可以禦百毒

韭雖稱草然蔬也丹臙恐亦丹沙之屬耳鼠尾飛羽在尾也食之不脉郭氏以為大腹

又北二百八十里曰石者之山其上無草木多瑤碧泚水出焉而西流注于河有獸焉其狀如豹而

文題題額也白身名曰孟極是善伏其鳴自呼

善伏言善藏也或伏臥之伏

又北百一十里曰邊春之山或作春山多葱葵韭山葱名荅

大桃李山桃攄桃子小不解核也杠水出焉而西流注于沕澤

有獸焉其狀如禺而文身善笑見人則臥言伴眠也名

曰幽鴝或作續媿媿音遏其鳴自呼

葱韭蔬桃李果山佳產也有益生民故

又北二百里曰蔓聯之山其上無草木有獸焉其

狀如禺而有鬣牛尾文臂馬蹄見人則呼名曰足

訾其鳴自呼有鳥焉羣居而朋飛朋猶輩也其毛如雌

雉名曰鷓交音或作渴也其鳴自呼食之已風

羣居朋飛其類聚也居飛無離動靜合也小人

之象也君子觀物而會理防哉防哉

又北百八十里曰單張之山其上無草木有獸焉

其狀如豹而長尾人首而牛耳一目名曰諸捷音如

捷牛之捷善吒行則銜其尾居則蟠其尾有鳥焉其狀

如雉而文首白翼黃足名曰白鶴音夜食之已嗌痛

嗌音隘咽也穀梁傳曰隘不容粒今吳人呼咽為隘可以已痢痢病也櫟水出

焉而南流注于杠水

嗌郭氏以為咽痢郭曰癡病然而鶴可治是鶴

鳥固至藥也諸捷蓋亦甚異夫物稟二五以生
而或反戾氣使然也聖人以中和而御萬物因
物付物以人治人已矣

又北三百二十里曰灌題之山其上多樗栢其下

多流沙多砥有獸焉其狀如牛而白尾其音如訃

訃音叫如人呼喚

名曰那父有鳥焉其狀如雌雉而人面

見人則躍

躍跳

名曰竦斯其鳴自呼也匠韓之水出

焉而西流注于洶澤其中多磁石

磁音慈可以取鐵管子曰山上

有磁石者下必有銅

磁石郭氏曰可以取鐵今所謂吸鐵石聞之蜀

地川中多此故造舟者不以鐵懼沉舟也

又北二百里曰潘侯之山其上多松栢其下多榛

楛其陽多玉其陰多鐵有獸焉其狀如牛而四節

生毛名曰旄牛

今旄牛背膝及胡尾皆有長毛

邊水出焉而南流

注于櫟澤

上而松栢下而榛楛陽多玉陰多鐵皆得自然

之序

又北二百三十里曰小咸之山無草木冬夏有雪

雨之凝爲雪今西北遠地夏不知暑寒可知矣
故小咸冬夏有雪非妄也

北二百八十里曰大咸之山其草木其下多玉是
山也四方不可以上有蛇名曰長蛇其毛如彘豪

說者云長百尋今蝮蛇色似艾綬文文間有毛如
猪鬃此其類也當山亦有長蛇與此形不同耳

其音如鼓析音託如人行
夜敲木析聲

長蛇惡產也然曰不可以上吾幸其人物之無
由接也吞噬兔矣

又北三百二十里曰敦薨之山其上多櫟柟其下

多苾草敦薨之水出焉而西流注于洶澤出于崑

崙之東北隅實惟河源即河水出
崑崙之處其中多赤鯪音圭

今名鱖鮠
爲鯪魚其獸多兕麀牛或作撲牛撲牛見
離騷天問所未詳其鳥

多鳴鳩

此以崑崙東北隅爲河源則黃河之所由來遠
矣

又北二百里曰少咸之山無草木多青碧有獸焉

其狀如牛而赤身人面馬足名曰窳窳爾雅云窳
窳似羆虎

瓜與此錯
軋愈二音其音如嬰兒是食人敦水出焉東流注

于鴈門之水水出鴈門山間其中多鮪鮪之魚音沛未詳或作鮪

食之殺人

又北二百里曰獄法之山滾音懷澤之水出焉而東

北流注于泰澤其中多鱮音藻魚其狀如鯉而雞足

食之已疣有獸焉其狀如犬而人面善投見人則

笑其名山獬音暉其行如風言疾見則天下大風

見人則笑其行如風是怪物而兼飛廉者也周

公之所驅伯益之所焚也其風何可長也

又北二百里曰北嶽之山多枳棘剛木檀柘之屬有獸

焉其狀如牛而曰角人目羸耳其名曰諸懷其音

如鳴鴈是食人諸懷之水出焉而西流注于囂水

其中多鮪音作魚魚身而大首其音如嬰兒今海中有虎鹿

魚及海狝體皆如魚而頭似虎鹿猪此其類也食之已狂

北嶽當為恒山在雲中渾源此亦曰北嶽何其

曰鮪魚食之已狂吾將推而著為藥方無使人

也狂

又北百八十里曰渾夕之山無草木多銅玉囂水

出焉而西北流注于海有蛇一首兩身名曰肥遺

見則其國大旱管子曰涸水之精名白螭一頭而兩身其代如蛇長八尺以其名呼之可使取魚龜亦此類

其國不名不可考肥遺說見前蓋物固有重名者

又北五十里曰北單之山無草木多葱韭

又北百里曰羆差之山無草木多馬野馬也似馬而小

馬郭氏以為野馬似馬而小夫以山無草木安

有馬不然馬之食獸服氣者與

又北百八十里曰北鮮之山是多馬鮮水出焉而

西北流注于涂吾之水漢元狩二年馬出涂吾水中也

山生馬如北鮮之山水亦生馬如所謂渥水

又北百七十里曰隄山或作隄古字耳多馬有獸焉其狀

如豹而文首名曰徇音公隄水出焉而東流注于秦

澤其中多龍龜

龍龜蓋龜之大者非謂既有龍而又有龜也凡

山水所向尋其流派必注于海見天地間山水

皆有脉絡中庸所謂敦化而川流也

凡北山經之首自單狐之山至于隄山凡二十五

小五千四百九十里其神皆人面蛇身其祠之毛

用一雄雞彘瘞吉玉用一珪瘞而不精言祭不用米皆埋其

所用其山北人皆生食不火之物或作皆生食而不火

人面蛇身非神也夫非神則不可以祭而用雞

彘乎其曰北山人食不火之物是生食也蓋洪

荒之初民固有茹毛而飲血者矣

北次二經之首在河之東其首枕汾音墳臨汾水上也其

多曰管涔之山涔音岑今在太原郡故汾陽縣北秀容山其上無木而

多草其下多玉汾水出焉而西流注于河至汾陽縣北西

河入

北次二經之首下當遺山字汾水今晉之汾州

有汾河焉此曰西流注于河注于黃河也注于

黃河斯入海矣他放此

又西二百五十里曰少陽之山其上多玉其下多

赤銀銀之精也酸水出焉而東流注于汾水其中多美

楮管子曰山上有楮者其下有鐵

又北五十里曰縣雍之山雍音甕今在晉陽縣西名汲甕其上多

玉其下多銅其獸多閭麋閭即踰也似驢而岐蹄角如麋羊一名山驢周

書曰北唐以閭亦見鄉射禮其鳥多白翟白鵠鵠于六反晉水

出焉而東南流注于汾水東過晉陽南其中多紫

魚其狀如儵而赤鱗曰儵小魚其音如叱食之不驕或作

騷騷 臭也

又北二百里曰狐岐之山無草木多青碧勝水出

焉而東北流注于汾水其中多蒼玉

又北三百五十里曰白沙山廣負三百里盡沙也

無草木鳥獸鮪水出于其上潛于其下出山之頂 停其底也

是多白玉

凡土之踈而薄曰沙氣必弗聚氣弗聚物斯散

矣然多白玉何夫疑亦石之似玉者耳

又北四百里曰爾是之山無草木無水

又北三百八十里曰狂山無草木是山也冬夏有

雪狂水出焉而西流注于浮水其中多美玉

狂山而多美玉宜為貴

又北三百八十里曰諸餘之山其上多銅玉其下

多松栢諸餘之水出焉而東流注于旄水

凡地在北愈遠愈寒寒則物不生此曰多松栢

何土有踈密氣有聚散比而同之不究其理可乎

又北三百五十里曰敦頭之山其上多金玉無草木旄水出焉而東流注于印澤其中多駢音勃馬牛尾而白身一角其音如呼

又北三百五十里曰鈎吾之山其上多玉其下多銅有獸焉其狀如羊身人面其目在腋下虎齒人爪其音如嬰兒名曰狍鴉是食人狍音咆為物貪

書其身象在夏鼎左傳所謂饕餮食是也

又北三百里曰北囂之山無石其陽多碧其陰多玉有獸焉其狀如虎而白身大首馬尾彘鬣名曰獨裕音谷有鳥其狀如烏人面名曰鷲鷗音般宵飛而晝伏鷲鷗之屬食之已暍音謁中熱也涿水出焉而東流注于印澤

狍鴉食人蓋惡獸矣聲如嬰兒疑人也鷲鷗一作斑猫蓋陰氣之鳥在在有焉凡禽獸為生民之害皆先王所必除也故益焚山澤

又北三百五十里曰梁渠之山無草木多金玉符

水出焉而東流注于鴈門

水名其獸多尾暨其狀如

彙而赤毛

彙似鼠赤毛如刺猓也

其音如豚有鳥焉其狀如

夸父

或作舉父

四翼一目犬尾名曰囂其音如鵲食之

已腹痛可以止衄

音洞治目下也

又北四百里曰姑灌之山無草木是山也冬夏有雪

又北三百八十里曰湖灌之山其陽多玉其陰多

碧多馬湖灌之水出焉而東流注于海其中多鮪

亦鱣魚字有木焉其葉如柳而赤理

又北水行五百里流沙三百里至于洹山其上多

金玉三桑生之其樹皆無枝其高百仞百果樹生

之其下多怪蛇

既謂之三桑而又曰其樹皆無枝夫無枝焉得

為樹且繼之曰其高百仞夫百仞則八百尺矣

豈有是哉其曰下多怪蛇則有之蓋凡大木之

下多蟲蛇居之者

又北三百里曰敦題之山無草木多金玉是鎔于

北海

此蓋北方之地極北而臨夫海者也鎔于北海

謂依附於海云耳

凡北次二經之首自管涔之山至于敦題之山凡十七山五千六百九十里其神皆蛇身人面其祠毛用一雄雞彘瘞用一碧一珪投而不糈擿玉于山中以

禮神不埋之也

謂之皆十七山同也夫以十七山皆有人面蛇

身之怪其誕甚矣然則先王虞人之制泯而怪

說蔓延於後世宜哉

北次三經之首曰太行之山行戶剛反今在河內野王縣西北其

鳴曰歸山其上有金玉其下有碧有獸焉其狀如

麇羊而四角馬尾而有距其名曰驪善還驪音暉還旄旄

舞也其鳴自訶有鳥焉其狀如鵠白身赤尾六足其

名曰鷦音犇是善驚其鳴自諛今吳人謂呼為諛音呼交反

又東北二百里曰龍侯之山無草木多金玉决决

之水出焉而東流注于河其中多人魚其狀如鱖

魚四足其音如嬰兒鱖音蹄見中山經或曰人魚即鯢也似鮎而四足聲如小

兒啼今亦呼鮎為鱖食之無癡疾

上既以北次二經名其山此又以北次三經為

太行之山何以是知山之在北方者凡三路夫
大地甚廣西北之山甚多知乎此則比三經之
紀山得矣

又東北二百里曰馬成之山其上多文石其陰多

金玉有獸焉其狀如白犬而黑頭見人則飛言肉翅飛

行自在其名曰天馬其鳴自訶有鳥焉其狀如鳥首

白而身青足黃是名曰鷓鷃音屈居其鳴自設食之

不饑可以已寓未詳或曰寓猶誤也

設郭氏以吳人謂呼為設是設與鳴無別也則

此謂其鳴自設為重複矣

又東北七十里曰咸山其上有玉其下多銅是多

松柏草多苾草修管音間之水出焉而西南流注於

長澤其中多器酸三歲一成所未詳也食之已癘

器酸疑物之可食而酸者如解州鹽池出鹽之

類蓋澤水止而不流積久或酸理所有也故曰

三年一成

又東北二百里曰天池之山其上無草木多文石

有獸焉其狀如兔而鼠首以其背飛用其背上毛飛飛則仰也

其名曰飛鼠澠水出焉潛于其下

停山底也

其中多黃

聖

聖土也

黃聖疑卽黃丹之屬凡土之有色者皆可以供

采色

又東二百里曰陽山其上多玉其下多金銅有獸

焉其狀如牛而赤尾其頸鬣其狀如勾瞿

言頸上有肉鬣

牛也其名曰領胡其鳴自設食之已狂有鳥焉其

狀如雌雉而五彩以文是自爲牝牡名曰象蛇其

鳴自設留水出焉而南流注於河其中有鱓音父

之魚其狀如鮒魚魚首而彘身食之已嘔

又東三百五十里曰賁聞之山其上多蒼玉其下

多黃聖多涅石

又北百里曰王屋之山

今在河東東垣縣北書曰至于王屋

是多石

澠水出焉

澠音輦

而西北流注於泰澤

地理志王屋山沈水所出

聲相近殆一水耳沈則濟澠水也

又東北三百里曰教山其上多玉而無石教水出

焉西流注于河是水冬乾而夏流實惟乾河

今河冬聞

喜縣東北有乾河口因名乾河其中有兩山是山

也廣員三百步其名曰發丸之山其上有金玉

凡氣藏於冬而旺於夏教水冬乾夏流是也然

他河冬或不乾有冰故耳此曰冬乾蓋亦無冰

矣教水異哉

又南三百里曰景山外傳曰景南望鹽販之澤即

池也今在河東猗北望少澤其上多草藭音驢

氏縣或無販字似羊蹄可食今江南單呼其草多秦椒子似椒而

為藭音儲語有輕重耳其陰多赭其陽多玉有鳥焉其狀如蛇而四翼六

目三足名曰酸與其鳴自設見則其邑有恐或曰食之

不醉

又東南三百二十里曰孟門之山尸子曰龍門未

出於孟門之上大溢逆流無有丘陵高阜滅之其

名曰洪水穆天子傳曰北升孟門九河之澄其上多蒼玉多金其下多黃堊多涅石

又東南三百二十里曰平山平水出于其上潜于

其下是多美玉

又東三百里曰京山有美玉多漆木多竹其陽有

赤銅其陰有玄礪礪音竹篠之篠黑砥石也尸高

水出焉南流注于河

酸與以爲鳥屬則不類以爲蟲屬則有翼蓋叅錯於魚鳥之間者與

又東二百里曰虫尾之山其上多金玉其下多竹多青碧丹水出焉南流注于河薄水出焉

淮南子曰薄水

出鮮于山而東南流注于黃澤

又東三百里曰彭毗之山其上無草木多金玉其下多水蚤林之水出焉東南流注于河肥水出焉而南流注于牀水其中多肥遺之蛇

蛇名肥遺見于諸山水甚多

又東百八十里曰小侯之山明漳之水出焉南流

注于黃澤有鳥焉其狀如烏而白文名曰鵠鵠音姑

習食之不灑不睺目也或作鵠音醜

又東三百七十里曰泰頭之山共音恭水出焉南注

于虜池呼佗二音下同其上多金玉其下多竹箭

凡水平而行者曰流直而入者曰注此曰注于虜池徑入而無所事于流也

又東北二百里曰軒轅之山其上多銅其下多竹有鳥焉其狀如梟而白首其名曰黃鳥其名自設

食之不妬

又北二百里曰謁戾之山今在上黨郡其上多松栢

有金玉沁水出焉南流注于河至滎陽縣東北入河或出穀述縣羊

頭山也其東有林焉名曰丹林丹林之水出焉南流

注于河嬰侯之水出焉北流注于汜水

沁水郭氏以為在上黨今晉地以沁名郡邑者

二蓋取諸沁

武廟丙子慶嘗判州于沁惜未有以尋其源也

東二百里曰沮洳之山詩云彼無草木有金玉漦

音其水出焉南流注於河今淇水出汲郡隆慮縣大號山東過河內縣南為白

溝

又北二百里曰神囷之山音如倉其上有文石其

下有白蛇有飛蟲黃水出焉而東流注於洹音丸

出汲林慮縣東北至魏郡長樂入清水滏水出焉而東流注於歐水

滏水今出臨水縣西釜口山經西北至列人縣入于漳其水熱

又北二百里曰發鳩之山今在上黨郡其上多柘

木有鳥焉其狀如烏文首白喙赤足名曰精衛其

鳴自詆是炎帝之少女名曰女娃炎帝神農也姓惡佳反語誤或

作女娃遊於東海溺而不返故為精衛常銜西山

之木石以堙於東海堙音因寒也漳水出焉濁漳音漳東流

注于河或曰出長子縣陸谷山而東至鄴入清漳

此以炎帝少女化精衛猶稱蜀帝化杜鵑云耳

其事荒唐其辭謬悠君子無取焉况既溺海而

又思以填之吾恐其無是理矣

又東北二百里曰錫山其上多玉其下有砥牛首

之水出焉而東流注于滏水

又北二百里曰景山有美玉景水出焉東南流注

于海澤

今蘇郡無錫縣亦有錫山

又北百里曰題首之山有玉焉多而無水

又北百里曰繡山其上有玉青碧其木多栒音苟木中

也其草多芍藥芎窮芍藥一名辛夷亦香草屬洧水出焉而東

流注于河其中有鱧鰂似鮎而大白色也鰂鰂似蝦蟇小而青或曰雙鰂

一物名耳也

芍藥葢花屬恐未可名草

又北百二十里曰松山陽水出焉東北流注于河

又北百二十里曰敦與之山其上無草木有金玉

澆悉各反水出于其陽而東流注于秦陸之水大陸水今

鉅鹿北廣平澤即其水泚音抵肆也水出于其陰而東流注于彭

水今泚水出中丘縣西窮泉谷東注于堂陽縣入于漳水槐水出焉而東流

注于泚澤 又北百七十里曰柘山其陽有金玉

其陰有鐵歷聚之水出焉而北流注于洧水

此謂泚水出于其陰指秦陸之南而言曰東流

注于彭水亦泚水也曰槐水出焉則出于彭水

也三水委折必分別始悉

又北三百里曰維龍之山其上有碧玉其陽有金

其陰有鐵肥水出焉而東流注于臯澤其中多礪

音石未詳或作壘礪壘石大石貌或曰食名漱鐵之水出焉而北流注

于大澤

又北百八十里曰白馬之山其陽多石玉其陰多

鐵多赤銅木馬之水出焉而東北流注于虜沱音呼沱

又北二百里曰空桑之山上已有此山疑同名也無草木冬

夏有雪空桑之水出焉東流注于虜沱

又北三百里曰秦戲之山無草木多金玉有獸焉

其狀如羊一角一目目在耳後其名曰辣辣音屋棟之

棟其鳴自訶虜沱之水出焉今虜沱水出鴈門而鹵成縣南武夫山

東流注于淩音樓水液音悅憚女之水出于其陽南

流注于沁水

又北三百里曰石山多藏金玉濩濩音尺蠖之水

出焉而東流注于虜沱鮮于之水出焉而南流注

于虜沱

凡山多金玉必藏也故特書曰藏以例見

又北二百里曰童戎之山皐涂之水出焉而東流

注于淩液水

又北三百里曰高是之山今在北地靈丘縣滋音慈水出焉

而南流注于虜沱其木多櫟其草多條音寇滋水出

焉東流注于河過博陵縣南又東北入于易水

今京師之南真定郡有滹沱河

又北三百里曰陸山多美玉鄴水或作鄴水出焉而東

流注于河

又北二百里曰沂音祈山般音盤水出焉而東流注于

河

又北二十里曰燕山多嬰石言石似玉有符彩燕

水出焉東流注于河

又北山行五百里水行五百里至于饒山是無草

木多瑤碧其獸多橐駝其鳥多鷓未詳或曰鷓鴣也歷虢

之水出焉而東流注于河其中有師魚食之殺人

未詳或作鯢

又北四百里曰乾山無草木其陽有金玉其陰有

鐵而無水有獸焉其狀如牛而三足其名曰獮音元

其鳴自談

又北五百里曰倫山倫水出焉而東流注于河有

獸焉其狀如麋其川在尾上川竅也其名曰羆

師魚殺人如今之河豚誤食亦有死者

又北五百里曰碣石之山水經曰碣石山今在遼西臨渝縣南水中或曰

在右北平驪城縣海邊山繩水出焉而東流注于河其中多蒲

夷之魚未詳其上有玉其下多青碧

又北水行五百里至於鴈門之山鴈門山即北陵西喻鴈之所出

因以名云無草木在高柳北

今三晉代州亦有鴈門山遂以是名關豈即此

與然其上草木多生此曰無草而又曰水行五
百里恐當別爲一山矣

又北水行四百里至于秦澤其中有山焉曰帝都
之山廣員百里無草木有金玉

凡此皆在晉地夫環晉皆山也恐無水行四百
里之理然鴈門山亦曰水行五百里豈禹治水
時事與

又北五百里曰錫于母逢之山北望雞號之山其

風如飈

音戾 飈風貌也 或云 飄風也

西望幽都之山浴水出焉

浴 卽 水

是有大蛇赤首白身其音如牛見則其邑大

旱

凡北次三經之首自太行之山以至于無逢之山

凡四十六山萬二千三百五十里其神狀皆馬身

而人面者二十神其祠之皆用一藻蒞瘞之

藻 聚 藻 蒞

香草蘭之類 音昌代反

其十四神狀皆彘身而載玉其祠之

皆玉不瘞

不理所 用玉也

其十神狀皆彘身而八足蛇尾

其祠之皆用一璧瘞之大凡四十四神皆用稌糈

米祠之此皆不火食

馬身人面彘身載玉八足蛇尾又曰皆不火食何異物若是多也

山志凡八十七山二萬三千二百三十

山海經釋義卷之四

晉 河東郭 璞景純父 著傳

王崇慶德徵父 釋義

明 澶淵 董漢儒學舒父 校訂

東山經第四

東山經之首曰檉音速之山北臨乾昧亦山名食

水出焉而東北流注于海其中多鱮鱮音容之魚其

狀如犂牛牛似虎文者其音如彘鳴

又南三百里曰音山其上有玉其下有金湖水

出焉東流注于食水其中多活師科斗也爾雅謂之活東

活師疑蚌屬然鱖魚如犁牛蓋魚之大者夫水

中之物陰宜默乃曰音如彘鳴何

又南三百里曰枸狀之山其上多金玉其下多青

碧石有獸焉其狀如犬六足其名曰從從其鳴自

設有鳥焉其狀如雞而鼠毛其名曰蜚音鼠見則

其邑大旱音水出焉而北流注于湖水其中多

箴魚其狀如儵其喙如箴出東海今江東水中亦有之食之無

疫疾

又南三百里曰勃參之山無草木無水

又南三百里曰番條之山無草木多沙減音同減損之減

水出焉北流注于海其中多音感一魚

又南四百里曰姑兒之山其上多漆其下多桑柘

姑兒之水出焉北流注于海其中多鱖魚

又南四百里曰高氏之山其上多玉其下多箴石

可以為砥針治癰疽者諸繩之水出焉東流注于澤其中多

金玉

又南三百里曰嶽山其上多桑其下多樗音水灤音水出焉東流注于澤其中多金玉

又南三百里曰狝山其上無草木其下多水其中多堪音序予之魚有獸焉其狀如夸父而彘毛其音

如呼見則天下大水

此紀東山而皆曰南何以地勢度之豈北山徧歷之後自北而南遂紀東方之山與

又南三百里曰獨山其上多金玉其下多美石末塗之水出焉而東南流注于沔其中多倮音條蟪音條

其狀如黃蛇魚翼出入有光見則其邑大旱

又南三百里曰泰山即東嶽岱宗也今在泰山奉高縣西北從山下至頂四十

八里三其上多玉其下多金有獸焉其狀如豚而

有珠名曰珣音如吟珣其鳴自訶環水出焉東流

注于江一作海其中多水玉

泰山蓋五嶽第一山云傳者其高四十里在魯

太安州慶髫歲嘗與魯生王汝霖及伯兄氏崇

德登焉時

孝廟十五年也東望滄海水波隱隱西望靈岩

南望洙泗雲出山下了了可辯但風力高寒四月始見桃杏追而附之亦泰山之實錄也

又南三百里曰竹山錔于江一作涯無草木多瑤碧

激水出焉而東南流注于娶檀之水其中多苾羸苾羸疑亦草蟲屬

凡東山經之首自檄蟲之山以至于竹山凡十二

山三千六百里其神狀皆人身龍首祠毛用一犬

祈聃用魚聃音鈞餌之餌以血塗察為聃也公羊傳有二云蓋吓其鼻以聃社

東次二經之首曰空桑之山此山出琴瑟材見周禮也北臨食

水東望沮吳南望沙陵西望潁音旻澤有獸焉其狀

如牛而虎文其音如欽或作吟其名曰軫軫音靈其鳴

自叫見則天下大水

人身龍首是謂大怪書曰絕地天通罔有降格

言先王祀典之嚴也犬馬之祀何為

又南六百里曰曹夕之山其下多穀而無水多鳥

獸

又西南四百里曰嶧音亦臯之山其上多金玉其下

多白堊嶧臯之水出焉東流注于激女之水其中

多蜃珧

音腎 遙蜃蚌也 珧玉珧亦蚌屬

白堊疑今所謂土粉之屬其曰多蜃珧盖蜃蚌也珧玉也當為兩物

又南水行五百里流沙三百里至于葛山之尾無草木多砥礪

又南三百八十里曰葛山之首無草木澧音禮水出

焉東流注于余澤其中多珠蟹音蟹魚其狀如肺而

有目六足有珠其味酸甘食之無癘無時氣病也 呂氏春秋曰

澧水之魚名曰朱蟹 六足有珠魚之美也

經文初曰三百里至葛山尾繼而曰三百八十

里至葛山首乃知葛山之長曰澧水朱魚如肺

而有目此肺乃肝肺之肺言是魚其狀如肺而

有目也

又南三百八十里曰餘莪之山其上多梓柟其下

多荆芭雜余之水出焉東流注于黃水有獸焉其

狀如菟而烏喙鷓目蛇尾見人則眠言佯也名曰狢

徐音仇其鳴自訶見則螽蝗為敗螽蝗類也言 優敗田苗

又南三百里曰杜父之山無草木多水

又南三百里曰耿山無草木多水碧亦水玉類多大蛇

有獸焉其狀如狐而魚翼其名曰朱獺音儒其鳴自

叫見則其國有恐

又南三百里曰盧其之山無草木多沙石沙水出

焉南流注于涔水其中多鸛鷓其狀如鴛鴦而人

足其鳴自訶見則其國多土功今鵜胡足頗有似人腳形狀也

又南三百八十里曰姑射之山無草木多水

又南水行三百里流沙百里曰北姑射之山無草

木多石

又南三百里曰南姑射之山無草木多水

螽蝗為敗狄徐見也其國有恐朱獺出也民多

土功鸛鷓顯也為國者轉移治理斡旋化機知

所處矣

又南三百里曰碧山無草木多大蛇多碧水玉

山無草木而多大蛇如曰無草木而多馬吾未

信也何者馬蛇動物必有植物以蔽以蓄相須

而未可相無也不然熒然之山而大蛇野馬出

焉無乃失所恃與

又南五百里曰維氏之山無草木多金玉原水出焉東流注于沙澤

又南三百里曰姑逢之山無草木多金玉有獸焉其狀如狐而有翼其音如鴻鴈其名曰徽徽音見

則天下大旱

又南五百里曰鳧麗之山其上多金玉其下多箴石有獸焉其狀如狐而九尾九首虎爪名曰螻姪

音龍其音如嬰兒是食人

又南五百里曰磈一真山南臨磈水東望湖澤有

獸焉其狀如馬而羊目四角牛尾其音如律狗其

名曰菝菝音見則其國多狡客狡猾也有鳥焉其狀

如鳧而鼠尾善登木其名曰絜鈎見則其國多疫

螻姪怪物也而又食人是惡獸也至若律狗見

而國多狡客絜鈎見而國人有疫皆自然之應

也

凡東次二經之首自空桑之山至于磈山凡十七

山六千六百四十里其神狀皆獸身人面載箴音格

麋鹿屬其祠毛用一雞祈嬰用一璧瘞

十七山皆獸身人面而載貉又曰其祠毛用一
雞夫果神之正也雖牢牲以報非費也其果異
物也雖一雞過矣凡此皆

聖明之世所不可有也

又東次三經之首曰尸胡之山北望殫音詳山其上

多金玉其下多棘有獸焉其狀如麋而魚目名曰

𧈧音統胡其鳴自訶

又南水行八百里曰岐山其木多桃李其獸多虎

山多虎猶可言也世多虎不可言也是故良吏

在郡而虎渡河德勝妖也君子在位而小人革

面誠消偽也故聖人龍飛大人虎變是謂道同

又南水行五百里曰諸鈞之山無草木多沙石是

山也廣負百里多寐魚魚即鮓

又南水行七百里曰中父之山無草木多沙

又東水行千里曰胡射之山無草木多沙石

又南水行七百里曰孟子之山其木多梓桐多桃

李其草多菌蒲未詳音睺其獸多麋鹿是山也廣

負百里其上有水出焉名曰碧陽其中多鱣鮪鮪即鮪

鯁也似鱣而長鼻體無鱗
別名鯁鯁一名鱣也

山以孟子名其戰國以後乎是知山川或無定
名惟人所名然惟五嶽四瀆則定名而無易也

又南水行五百里曰流沙行五百里有山焉曰跂
踵之山廣負二百里無草木有大蛇其上多王有

水焉廣負四十里皆涌

今河東汾陰縣有瀆水源
在地底瀆沸湧出其深無

限即此類也

其名曰深澤其中多螭龜

螭遺知反紫螭
大龜也甲有文

彩似瑇瑁而薄

有魚焉其狀如鯉而六足鳥尾名曰鯨鯨

音蛤之魚其鳴自叫

深澤涌出凡四十里其潜行于地中者可知也

夫氣行于上則為雲為雷為雨潜于下則為水

為澤然後知一元之氣周流溥博而升沉之道

之用大矣哉

又南水行九百里曰踣

音敏

隅之山其上有草木多

金玉多赭有獸焉其狀如牛而馬尾名曰精精其

鳴自叫

又南水行五百里流沙三百里至于無臯之山南

望幼海

即少海也淮南子曰
東方有渚曰少海

東望搏木

扶桑

無草

木多風是山也廣負百里

草木植也風動而鼓也是故草木有無存乎地風之動止存乎天此曰無皐之山多風豈其山氣獨偏於感而動邪

凡東次三經之首自尸胡之山至于無皐之山凡十九山六千九百里其神狀皆人身而羊角其祠用一牡羊米用黍是神也見則風雨水爲敗

十九山之神皆人身而羊角不知孰見而孰紀之又孰從而主其祀也

又東次四經之首曰北號之山臨于北海有木焉其狀如楊赤華其實如棗而無核其味酸甘食之不瘡食水出焉而東北流注于海有獸焉其狀如狼赤首鼠目其音如豚名曰獨狙音葛是食人有鳥焉其狀如雞而白首鼠足而虎爪其名曰旻音祈雀亦食人

鳥獸食人原山惡也孟子以鳥獸之害人者消爲一治所以爲世道計至矣

又南三百里曰旄山無草木蒼體之水出焉而西

流注于展水其中多鱣魚今蝦鱣字亦或作鱣秋音其狀如鯉

而大首食者不疣

又南三百二十里曰東始之山上多蒼玉有木焉

其狀如楊而赤理其汗如血不實其名曰芭音可起

以服焉以汁塗之則馬調良泚水出焉而東北流注于海其

中多美貝多苾魚其狀如鮒一首而十身其臭如

糜燕食之不糲孚謂反止失氣也

又東南三百里曰女烝之山其上無草木石膏水

出焉而西注于鬲水其中多薄魚其狀如鱣魚而

一曰其音如歐如人嘔吐聲也見則天下大旱

凡蟲魚鳥獸之兆有廣狹焉是故狹則一邑

郡廣則天下矣書曰王省惟歲卿士惟月言君

相之省咎各隨小大以為限也有國者慎所感

哉

又東南二百里曰欽山多金玉而無石師水出焉

而北流注于臯澤其中多鱣魚多文貝有獸焉其

狀如豚而有牙其名曰當康其鳴自叫見則天下

大穰

又東南二百里曰子桐之山子桐之水出焉而西
流注于餘如之澤其中多鱖音滑魚其狀如魚而鳥
翼出入有光其音如鴛鴦見則天下大旱

又東北二百里曰剡山多金玉有獸焉其狀如彘
而人面黃身而赤尾其名曰合窳音庾其音如嬰兒

是獸也食人亦食蟲蛇見則天下大水

萬物之中人為貴以其能贊化育故蟲蛇可食
人不可食此曰食人亦食蟲蛇並人物而毒之
矣不待伯益而後可焚也

又東二百里曰太山上多金玉楨女

女楨也葉冬不凋

有

獸焉其狀如牛而白首一目而蛇尾其名曰蜚

音如

翡翠之蜚

行水則竭行草則死見則天下大疫

言其體含災氣

也其名曰蜚之為名體似無害所經枯竭甚于鳩厲萬物斯懼思爾遐逝

鈞水出焉而

北流注于勞水其中多鱣魚

甚哉蜚之毒也其行也竭水而枯草其見也天

下疫焉去食人之獸豈獨什百間哉又曰此所

謂大山當另為一山

凡東次四經之首自北號之山至于太山凡八山

言雅山海經
卷四
千七百二十里

右東經之山志凡四十六山萬八千八百六十里
山志志山也志山則水不能外矣曰凡四十六
山撮名山也撮其名山而草木而鳥獸而蟲魚
而貨寶金玉皆見之矣曰萬八千八百六十里
志地里也

山海經釋義卷之四

終

程